

# Kuva Vadzidzi VeBhaibheri Kunokosha

Nhungamiro Yekukura muShoko raMwari

## Zvidzidzo 14-16

*Asi kurai munyasha neparuzivo rwaIshe  
wedu neMuponesi Jesu Kristu. Kubwinya  
ngakuve kwaari zvino nokusingaperi. Amenii.*

2 Petro 3:18

*Yakadhindwa na:*

Cornerstone Bible Ministries

Mutare, Zimbabwe

+263 781 158 599

# Chidzidzo 14: Kugadzirisa Chivi

## Ndinokwanisa nechikuriri sei kuchivi muhupenyu hwangu?

Mutendi wese anemhandu nhatu dzake dzepamweya: nyika, nyama, naDhiyabhorosi. Mhandu nhatu idzi dzinoshandidzana pamwechete nguva dzose kuedza kukanganisa mufaro wedu nekukanganisa basa ratinoitira Ktitsu nenzira yekutipinza muchivi. Jesu Kristu vakakenda kumuchinjikwa kuti vagadzirise chivi. Nekutenda muna Jesu Kristu, chivi chose chatakaita kunyangwe chatisati taita chakabhadharwa uye chakaregererwa. Asi kana tichiri munyama, ticharamba tichirwa nechivi. Chinangwa chechidzidzo chino kukubatsira kunzwisisa pamusoro pechivi kuti chivi chakamira sei, nekuti ungava nechikuriri nenzira ipi uye kuti chivi chinoitei muhupenyu wedu kana tichinge tapinda mukuedzwa.

### I. Chii chinonzi chivi?

Aripo Magwaro mazhinji anotibatsira kunzwisisa kuti chivi chinhu chakamira sei.

#### A. Chivi zvinosanganisira zvakaipa zvatinoita .

1. Chivi kudarika nekutyora murairo (1 Johani 3:4)
2. Chivi chinhu chese chisakafanira (1 Johani 5:17).
3. Chivi chinhu chese chinoitwa pasina kutenda (vaRoma 14:23).

**B.** Chivi chinoshanganisira kukundikana kwedu kuita zvinhu zvakanaka zvatinoziva kuti tinofanirwa kunge tichizviita, zvinosanganisira kunyengetera, kupupura, kupa vanoshaiwa, nekuverenga Bhaibheri (Jakobo 4:17).

## II. Seiko ndichipinda muchivi?

Tine nhaka yatakatora inotindonzera kuchivi irimatiri (vaRoma 7:18,21).Asiwo kunyangwe zvakadaro, HATIFANIRWI kupinda muchivi (Johani 8:11, 1 vaKorinde 15:34, 1 Johani 2:1). Chivi kuburikidza nekunge tadhonzzerwa mumuedzo nekuda kweruchiva rwenyama yedu (Jakobo 1:13-15). Miedzo iyi inouya nenziira nhatu. (1 Johani 2:15-16).

- A. Ruchiva rwenyama – Izvi ndizvo zvakasangana naEve paanowona kuti muti “wakanga wakanaka kudya” (Genesisi 3:6). Jesu Kristu wakaedzwawo nenzira imwechetewo paanonzi achinje matombo kuita chingwa kuti azvipe chokudya kubata nzara. (Mateo 4:3).
- B. Ruchiva rwemeso – Izvi ndizvo zvakabata Eve paakawona kuti muti “waifadza kumeso” (Genesisi 3:6). Ishe Jesu Kristu wakaedzwawo nenzira imwechetewo Dhiyabhozi paanomuratidza hushe hwese hwepanyika (Mateo 4:8).
- C. Kuzvikudza kwehupenyu – Izvi ndizvo zvakaedza Eve paakaona kuti muti wakanga “wakanaka kupa munhu huchenjeri” (Genesisi 3:6). Zvimwechetewo, Kristu wakaedzwa kuti azvikande kubva pakareba pamusoro petemberi kuti ngirozi dzizomugamha (Mateo 4:6).

Muzvitatu zvese izvi, Eva wakapa mumuedzo. Asiwo kunerumwe rutivi, muzvikamu zvese zvirizvitatu Jesu Kristu akakunda miedzo yaDhiyabhorosi akatisiira muenzaniso kwatiri (vaHeburu 4:15-16).

### **III. Mwari vanoshanda sei nezvivi zvangu ?**

- A.** Mwari vakashanda nezvivi zvako nekuzvitonga panaKristu pamuchinjikwa (2 vaKorinde 5:21). Izvi zvinotipa kuregererwa zvivi zvedu zvose zviripamutemo – zvekare, zvinguva ino, nezvinouya (vaKorose 2:13, 1 Johani 2:12).
- B.** Kunyangwe chivi chako chisingakubvisi mumhuri yaMwari, Anozoshanda newe sababa vanerudo vanoda mwana wavo, nekukudzora neshamhu (vaHeburu 12:5-11).
- C.** Zvese zvatinoita zvine mubairo. Kunyangwe uka kumbira nekusiya chivi chako, Mwari vanokusiya kuti ukohwe zvaunenge wakasima (vaGratiya 6:7-8).

### **IV. Chii chandinorasikirwa nacho nekuda kwechivi changu?**

Kunyangwe usingakwanise kurasikirwa nehupenyu husingaperi, zvirpo zvinhu zvinokanganisiswa pakuramba munhu achienderera mukusateerera Shoko raMwari

- A.** Unokaanisa kurasikirwa nemufaro (Mapisarema 51:12).
- B.** Unokwanisa kurasikirwa nechapupu (Genesisi 19:14).
- C.** Unokwanisa kurasikirwa nemibairo yako (2 Johani 8).
- D.** Unokwanisa kurasikirwa nehutano hwako (1 vaKorinde 11:30).
- E.** Unokwanisawo zvakare kurasikirwa nehupenyu hwako (1vaKorinde 11:30).

### **V. Ndinokwanisa kukurira chivi sei ?**

- A.** Buda pachena kunaMwari pamusoro pechivi chako. Iva uchichenjerera kuita kwako kose nekureurura zvivi zvako (1 vaKorinde 11:31-32, Zvirevo 28:13, 1 Johani 1:9).

- B. Usazviisa panzvimbo yaunoziva kuti unopedzisira wave mumuedzo (Mateo 6:13, vaRoma 13:14).
- C. Usatendera ndangariro dzakaipa kuti dzitungamire pfungwa dzako (2 vaKorinde 10:5).
- D. Famba muMweya, zviise muviri wako kunaKristu, uchiziva kuti wakafa muchivi, asi mupenyu kunaMwari (vaGaratiya 5:16, vaRoma 6:11-13).
- E. Funga pamusoro pezviri muShoko raMwari (Mapisarema 119:9, 11, 2 vaKorinde 7:1). Ucharangarira nzira dzakashandiswa naKristu kukunda miedzo ya Satani?
- F. Kumbira Ishe rubatsiro pane zvaurikuda kukunda (vaHeburu 2:18, 4:15-16).
- G. Paunoedzwa, tora nzira yaMwari yekutizira (1 vaKorinde 10:13).
- H. Dzidza kuvenga chivi icho chinogara chakakukanganisa (Zvirevo 8:13, Mapisarema 119:104).
- I. Zviparadzanise **kubva** kune zvakaipa zvenyika ino (2 vaKorinde 6:14-18) uye uzviparadzanise **uchizviisa** kuzvinhu zvaMwari (vaRoma 1:1, vaEfeso 4:28, 1 vaKorinde 16:15).

# Mibvunzo yechidzidzo 14

1. Ndedzipi nzira nhatu miedzo inouya nadzo?
2. Jesu Kristu wakakunda miedzo yaDhiyabhoru sei kuna Mateo 4?
3. Mutendi anokwanisa kurasikirwa neruponeso rwake here kana achinge apinda muchivi? Mutendi anorasikirwa nei kana akapinda muchivi?
4. Sei Mwari vachidzora vana vake neshamhu (vaHeburu 12:6)?
5. Mwari vakavimbisa kuita sei patinosangana nekuidzwa (1 vaKorinde 10:13)?
6. Ndezvipi zvinhu zviviri zvatinofirwa kuita pakuzviparadzana? Ipa mienzaniso yemashandiro azvinoita kwauri?

# Ndima dzekuchengeta mumoyo dzechidzidzo 14

Shanda nesimba vhiki rino uchizvipa nguva yako kuedza kuchengeta nokuziva zvikamu zvinotevera nomusoro. Zvinogona kubatsira kumanyora pachikadhi wofamba naro uchizotarira nguva nenguva. Funga pamusoro pendima idzi paunenge uchiedza kumaisa mumusoro.

*Saizvozvvo nemiwo muzviti makafa kuzvivi, asi kuti murivapenyu kunaMwari, munaKristu Jesu* vaRoma 6:11

*Nekuti hatinomuprisita mukuru usingagonikutinzwira tsitsi pahutera hwedu, asi wakaidzwa pazvinhu zvoze sesu asinezvivi.*  
vaHeburu 4:15

*Shoko renyu ndakariviga mumoyo wangu ,kuti ndirege kukutadzirai.* Mapisarema 119:11

# Chidzidzo 15:

## Rusunguko munaKristu

**Sezvo zvivi zvangu zvakaregererwa zvose, zvinoreva here kuti ndakasununguka kuita chero zvandinoda?**

Nyasha dzaMwari dzakakura kupfuura chivi chedu (vaRoma 5:20). Sevatendi veTestamente Itsva, hatisi pasi pemurairo, asi pasi penyasha (vaRoma 6:14). Takaponeswa nekuchengetedzwa nekusingaperi, kwete kuburikidza nezvatakaita, asi kuburikidza nezvakaitwa naKristu panzvimbo pedu. Chinusuwisa vamwe vanoshaisa chokwadi ichi chakanaka kudai sezvikonzero zvekuti vazviraramire madiro avo. Chidzidzo chino chakagadzirirwa kukubatsira kunzwisisa kwakakwana kwerusunguko rwako muna Jesu Kristu.

### **I. Rusununguko rwako munaKristu runokupa kusununguka kuita kuda kwaMwari, Kwete kuita Chivi!**

- A.** Unosunungurwa *kubva* kuchivi kuti ukwanise kuita zvakanaka, kwete kuita zvaunonzwa kuda (Johani 8:36, vaGaratiya 5:1, vaRoma 6:12-18, 8:2-4).
- B.** Tinosunungurwa munaKristu kuti tishandire Ishe nevamwe (1 Petro 2:16). Hatifanirwi kumbunyangidza rusununguko rwatakapihwa kuzadzisa ruchiva rwenyama dzedu (vaGaratiya 5:13).

### **II. Kutadza Kushandisa Rusununguko Rwako Nenzira Yakanaka Kunokwanisa Kukanganisa Vamwe Zvikuru.**

- A.** Hupenyu hwako hunokwanisa kukanganisa vamwe vanhu zvikuru. Unokwanisa kuva nechapupu chakanaka kana chakaipa, hazvigoni kuva pakati (vaRoma 14:7).
- B.** Unofanirwa kuedza kusaita zvinhu zvinokwanisa kukonzera kudonha kwemumwe mutendi kana hama yako isati yasimba pakutenda (vaRoma 14:13-15, 1 vaKorinde 8:9-13).



C. Unofanirwa kuedza kusaita zvinhu zvinogona kuonekwa sezvakaipa kunyangwe pachokwadi zvisina kuipa (1 vaTeslaronica 5:22).

D. Kunofanirwa kuva kuda kwemutendi wese kuchengetedza chapupu chakanaka kune vamwe vanotenda kunyangwe vasigatendi. (Mabasa 16:1-2, 11:22-24, vaKorose 4:5, 1 vaKorinde 9:19-23).

#### **IV. Kunyangwe usiri pasi pemurairo, unofanirwa kukurudzirwa kuita zvakanaka neRudo.**

MuTestamente Itsva , Rudo ndiyo mhinduro kumurairo. Izvi zvinotipa miganhwa yakanaka kune munhu wese anekufunga kwakakwana, pahukama hwese hwatinahwo. Tarisa Mateo 22:37-40, vaRoma 13:8-10, vaGaratiya 5:13-14, 6:2.

#### **V. Tinofanirwa kuita kuti Mweya Mutsvene atitungamirire muzvinhu zvose zvatisinganzwisise.**

Pane zvinhu zvakanyorwa muMagwaro zviripachena kwozoitawo zvimwe zvekuti Magwaro haaburitse pachena kuti zvakakodzera kana zvisina kukodzera kuitwa. Asiwo, kunyangwe zvinonzi “hazvinzwisise” Magwaro anotipa Mweya Mutsvene kuti atipe nzira nekutungamirira zvichienderana nezvakatikomberedza zvaturikusangana nazvo. Pazasi wakapiwa mibvunzo mizhinji yaunokwanisa kuzvibvunza munguva dzaungasangane nezvinhu zvekuti Shoko raMwari haribude pachena:

A. Handisi here kuiswa pasi pesimba rimwe risingafanirwa kunge richitungamirira hupenyu hwangu? Tarisa 1 vaKorinde 6:12.

B. Ndiri kuzvivaka here kana hama yangu iri pedyo? Tarisa 1 vaKorinde 10:23.

C. Ndaizokwanisa kukumbira Mwari kuti vakomborero here kuita uku uye nehana yakachena? tarisa vaKorose 3:17, Mabasa 24:16.

- D.** Dai Ishe vaizodzoka munguva ino, ndaisazonyara here nekuita kwakadai? tarisa 1 Johani 2:28, 1 vaTesaronica 5:23.
- E.** Hazvizokonzeri hama yangu kuti idonhe here pakutenda kwayo? tarisa vaRomans 14:13-15, 15:1-2.
- F.** Hazvizokonzeri here munhu akarasika kuti arambe Jesu Kristu? tarisa 1 vaKorinde 10:31-33.
- G.** Hana yangu haisikunditonga here pakuita kwakadai uku? tarisa 1 Petor 3:16, vaHeburu 13:18, 1 Timotio 1:5.
- H.** Chii chakanaka pakuita uku chandingatendera muhupenyu hwangu? tarisa vaFiripi 4:8.

Izvi zvinongoitika chete kuburikidza nekufamba nguva dzose naIshe Jesu Kristu nesimba reMweya Mutsvene kuti tikwanise kunge takasimba kuchengeta kusununguka kwedu munaKristu nekubatikirawo zvinoda vamwe (2 vaKorinde 3:6, 17).

## Mibvunzo yechidzidzo 15

1. Zvinorevei kuti kuva nekusununguka munaKristu?  
Takasunungurwa kubva kuchii?
2. Kushandisa kusununguka kwako nenzira isiyo kunokwanisa  
kukanganisa mumwe wako nenzira ipi yakaipa?
3. Tinokwanisa kuziva sei nzira yekutora pakuita zvinhu zvekuti  
Shoko raMwari haritiudze pachena ?

# Ndima dzekuchengeta mumoyo dzechidzidzo 15

Shanda nesimba vhiki rino uchizvipa nguva yako kuedza kuchengeta nokuziva zvikamu zvinotevera nomusoro. Zvinogona kubatsira kumanyora pachikadhi wofamba naro uchizotarira nguva nenguva. Funga pamusoro pendima idzi paunenge uchiedza kumaisa mumusoro.

*Naizvozvo kana muchidya, kana muchinwa, kana muchiita chinhu chipi nechipi itai zpose kuti Mwari akudzwe.* 1 vaKorinde 10:31

*Nekuti imi hama dzangu, makadanirwa kusunguka; asi kusununguka kwenyu ngakurege kuwa nzira yenyama asi batiranai nerudo* vaGaratiya 5:13

# Chidzidzo 16:

## Kupupurira Kristu

**Semwana waMwari, ndine basa rei kuudza vamwe pamusoro peMuponesi wangu?**

Semutendi, tinokwanisa kufara nekutenda kuti mumwe munhu akauya akatiudza pamusoro paJesusu Kristu. Vatendi vakasiyana vane maitiro nenzira dzakasiyana, kugoverwa kwaksiyana, nezvipa zvakasiyana, asi mutendi ane basa rekuvachapupu chaKristu Jesu kune vamwe. Chidzidzo chino chakagadzirwa kukubatsira kukuonesa basa rako rekupupura uye nenzira dzinokwanisa kukubatsira kuzviita nemazvo.

### I. Basa remutendi wese.

- A. Murairo wekupedzisira Ishe Jesusu Kristu vakapa vateeri vake vasati vadzokera kudenga kuna Baba kuti tidzidzise nekuparidza Evangeri kune vamwe (Mateo 28:19-20, Mako 16:15, Ruka 24:47-48, Mabasa 1:8).
- B. Iri rinodanwa kunzi basa rekuyanana kuna 2 vaKorinde 5:18. Tarisisa kuti basa iri ibasa *rekutaura* (2 vaKorinde 5:19).
- C. Mwari vanoshandisa vanhu semidziyo (zvakananana newe neni) kuunza vakarasika kunaKristu (Zvirevo 11:30, 1 vaKorinde 4:15, 7:16, 9:22).

### II. Iva wakagadzirira kutaura

Vatendi vazhinji vanoshaiwa kusimba nehuchenjeri hunodiwa pakutaura nevamwe pamusoro peEvangeri. Kana riri basa redu kunge tichipupura Kristu, zvinorevawo kuti ibasa redu kuzvigadzirira kutaura kana mukana uchinge wasimuka (1 Petro 3:15).

- A. Unofanirwa kuziva kuti Evangeri chii, sezvo chiricho chinhu chatiri kupupura pamusoro pachu. Evangeri

inotsanangurwa muTestamente Itsva kuna 1 vaKorinde 15:3-4. Unofanirwa kuva nechokwadi chekuti mutadzi akatenda kuEvangeri anoponeswa zvirokwasvo (vaRoma 1:16).

- B.** Unofana kunge wakagadzirira Shoko raMwari, sezvo kutenda kuchiuya nekunzwa ,kunzwa kubva kuShoko raMwari! Ipfungwa yakanaka kuti unyore magwaro nekutara ndima dzaungada kushandisa kutungamirira munhu kunaKristu. Unofanirwawo zvakare kuedza kuchengeta ndima idzi mumoyo izvi zvinozokubatsira paunenge usina Bhaibheri. Unokwanisa kutangira pane “Nzira YeVaroma”: vaRoma 3:23, 6:23, 5:8, 10:9-10.
- C.** Rangarira kufamba nemapepa eEvangeri pauri (muhomwe kana bhegi rako) kuti ukwanise kuzopa vanhu avo vaunokwanisa dzimwe nguva kushaya mukana wekutaura navo uye akakoshawo pakutanga nhaurirano.
- D.** Rangarira kuti munhu wese anoda kuponeswa. Dzidza kuona vanhu semweya ichagara nekusingaperi inofanirwa kubarwa patsva kuti isaende kuGehena.

### **III. Zvinangwa zvekupa Evangeri.**

Chiripo chokwadi chinofana kunzwisiswa nemunhu akarasika kuti azoponeswa. Pazasi wakapiwa zvakakosha zvirinyore zvinofanirwa kutaurwa paunenge uchiedza kutungamirira munhu kunaKristu.

- A.** Unofanirwa kuratidza munhu kuti iye mutadzi uye chivi chake chakamuparadznisa naMwari.
  - 1.** Magwaro anokodzera – vaRoma 3:10, 23, Jakobo 2:10.
  - 2.** Mirairo ineGumi (Exodo 20:1-18) inoshanda sechinhu chakakosha kuburitsira munhu hutadzi hwake (1 Johani 3:14).

**B.** Unofanirwa kuratidza munhu kuti kune mubairo wechivi chake unova iwo mubairo werufu .

1. MaGwaro anokodzera: vaRoma 6:23, Zvakazarurwa 20:14-15, 21:8.

**C.** Unofanirwa kuratidza munhu kuti Jesu wakabhadhara mubairo wechivi chake .

1. MaGwaro anokodzera: 1 Petro 2:24, 3:18, 1 vaKorinde 15:3, 2 vaKorinde 5:21.

2. Zvakakosha kuti munhu anzwisise izvo kuti Kristu akanga asina chivi. (1 Petero 2:22, vaHebhuru 4:15).

**D.** Unofanirwa kuratidza munhu kuti ruponeso kuburikidza nokutenda chete , pasina mabasa.

1. Magwaro anokodzera: vaEfeso 2:8-9, vaGaratiya 2:21, 3:24, vaRoma 3:24.

**E.** Unofanirwa kuratidza mutadzi kuti iye mutadzi anofanirwa kugamuchira Kristu pachake nekutenda .

1. Magwaro anokodzera: Johani 1:12, vaRoma 10:9-10, Mabasa 16:31.

2. Kana munhu achinge anzwisisa izvi nekubatwa pamoyo kwekuda kwake Kristu muhupenyu hwake, unokwanisa kumukurudzira kuti agamuchire Kristu pachake salshe naMuponesi wake (vaRoma 10:13-15).

#### **IV. Kupa chapupu chokuponeswa kwako.**

Chinhu chakanyanya kukosha uye chinesimba chaunacho iwe semutendi, ichapupu chekuponeswa kwako. Kunyangwe usina chokwadi nekugona kutsanangura magwaro anotsanangura

Evangeri, kana pamwe dzimwe nguvawo munhu uyu haasi kugamuchira Magwaro pakutanga, unokwanisa kumuudza chapupu chazvakaitwa naKristu muhupenyu hwako.

- A. Pane zvikamu zvitatu kune chapupu chemunhu wese akaponeswa, semuenzaniso watinoona kuna muApostora Pauro kuna Mabasa 26.
  - 1. Hupenyu hwako usati waponeswa (Mabasa 26:4-5, 9-11). Uyu ndiwo mukana wekuudzawo munhu kuti iwe waitombowavo mutadzi aitodawo Muponesi.
  - 2. Kuti wakaponeswa sei (Mabasa 26:12-18). Uyu ndiwo mukana wekuudzawo munhu kuti wakatenda panaKristu ega Akakuponesa mweya wako.
  - 3. Hupenyu hwako mushure mekunge waponeswa (Mabasa 26:19-23). Uyu ndiwo mukana wako wekuudza munhu musiyano wakaunzwa naKristu muhupenyu hwako uye kuti wave munzira yako kuenda kudenga.

## V. Pfungwa dzinokwanisa kukubatsira

- A. Nyora ndima muBhaibheri rako. Hakuna chinesimba kupfuura Shoko raMwari.
- B. Namatira mweya yakarasika. Uchazochenjerera uye kubatikana pamoyo pamusoro pemweya dzaunenge wanamatira.
- C. Ipa mapepa Evangeri. Kunyangwe usinganzwi zvakafanira kutaura kutaura dzimwe nguva, unokwanisa kupa mapepa anotaura nezveEvangeri muzvinyorwa.



# Mibvunzo yechidzidzo 16

1. Ibasa raani kuva chapupu? Ipa Magwaro anosimbisa.
2. Evangeri inotsanangurwa sei muShoko raMwari?
3. Inhanho dzipi dzaunokwanisa kutora kugadzirira kupa munhu Evangeri ?
4. Ndezvipi zvinhu izvo Mwari vakatsiira kuti tiratidze vanhu kuti ivo vatadzi pamberi paMwari?
5. Ndezvipi zvikamu zvitatu zvechapupu cheruponeso?
6. Doma zvinhu zvishanu zvawadzidza kubva muchidzidzo zvaunofanirwa kuratidza munhu kuti aponeswe?

# Ndima dzekuchengeta mumoyo dzechidzidzo 16

Shanda nesimba vhiki rino uchizvipa nguva yako kuedza kuchengeta nokuziva zvikamu zvinotevera nomusoro. Zvinogona kubatsira kumanyora pachikadhi wofamba naro uchizotarira nguva nenguva. Funga pamusoro pendima idzi paunenge uchiedza kumaisa mumusoro.

*Akati kwavari, Endai munyika yose muparidzire zvisikwa zvose  
Evangeri Marko 16:15*

*Asi itai Kristu mutsvene mumoyo menyu ave Ishe: mugare  
maka zvigadzirira kupindura mumwe nemumwe anokubvunzai  
pamusoro petariro iri mukati menyu: asi muchiita nehunoro  
nekutya 1 Petro 3:15*

*Asi vose. vakamugamuchira, wakavapa simba kuti vave vana  
vaMwari, ivavo vanotenda kuzita rake: Johani 1:12*